

湘綺樓日記

二七

# 湘綺樓日記

光緒三十三年丁未

丁未正月癸亥朔雨元旦在山幸免往還至巳乃起我女送茶出堂受賀

旋入房擲骰

二日雨族子佃戶來賀年師子來復病畏金鼓議於下棟接待余心煩未

理年事作陳卽墨詩序不能贊一字

三日陰雨二女移戲中棟校牌擲骰竟日夜雪

四日雪深三寸冰凍不開行人踏雪來張四寶耶均來許紅橋來卽去留

看雪

五日陰朝食後姜女來送雞寶耶昇去張亦步去留姜喫飯不肯亦去擲

骰陪客聊應年景

六日晨興看樹上有雪始知夜雨鄉人來賀年小有應付

人日陰晴令作餅應節未得食譚心蘭兒來云朱太史兩子並天有財無  
丁譚欲干張雨珊告以無益留宿客房瑞婦去

八日晴庚午山中無曆云昨日雨水因遣人下省張攜其甥來朽人來雲  
孫來云得鹽局便道上任客房甚爲熱鬧夜月極佳

九日晴二客並去雲孫早行實過辰矣午後許醫又來說訟事不了許爲  
三問之復陳毓崧書夜夢作詩十二韻韻用真先似是紀行

十日晴陰劉詩人鎮湘來代元婦率新婦來鄰舍大娘來者三四田團總  
二來朱倬夫專人來趙梅卿之孫來認年誼自出見之王心培周庶長德

姑耶繼至人夫喧闐一飯斗米留宿者四人皆上客也問趙何以見知  
丁云出李亞元之教許其代心培一席

十一日雨雪午後陰四客皆去谷三率賀姓來訴許竹齋各云柔懦被欺  
非任三耶不能定之鄭福隆遣孫來拜年鄉中又有此一門親幹將軍

之賜也今日陳氏外孫生日爲設湯餅遂及鄭孫謙不多食徒步告去  
獎以餅餌將夕聞呼門無人應自往開門王鳳啣田雷子來拜年不飯  
而去夜月

十二日雨午雪白地旋消慶生來衣履盡濡令烘熨同飯夜雨甚暢  
十三日雨竟日積雪全消張四哥來龍燈來出行慶子告去尙能卹其煙  
兄亦可取也方僮黃五來拜年致黃柏爵書

十四日晴陰復始起牀周梅生來廖丁自城還陳順亦來拜年

十五日陰晴初月甚明子後昏滋女出走月丁氏第二女孫從去昨論黃  
孫苦無安插當令其自過活龍師竟日不絕爆竹聲喧病女甚困余諱  
疾未止靜也子夜始寧

十六日雨大風遣身送張醫與陳順俱去鄭福隆田雷孫來蔡姪孫印生  
來云鄂信未得仍從漢川空還召入內室見之

十七日晴風蔡孫去吹壺觥一哥之孫也令還待薦攜丁孫女欲看郭廿  
嫂房嫗不肯因行後山遇一人芒芒來口稱老伯未知誰氏子遣問之  
云朽人之兄大朽人也初不憶識後乃知之曾宿於我我誤以朽人當  
之朽人昨來欲干陳伯屏亦欲奪其席也六耶又來遂出坐至初夜乃  
散月明如晝衆已睡去

十八日大晴今年好日子六朽均去入看復女始能起坐攜兩女女孫出  
行從石井至雲峰兼至茶亭看地基欲築一別墅還遇庸松令即往省  
夕登樓遲客乃無來者每日必有朽人今傾心待之又闕其無人吾知  
所以待人矣避客則苦其囂好客乃嫌其少非客能擾人吾自擾也櫻  
而後寧所以消搖晴二日又欲雨至夜果瀟瀟有聲

十九日雨一日清靜周庶長又來云已移寓不提郭廿嫂矣留令支賓

廿日晴與循來攜桐子

字叔權

衣冠拜年余倉忙便服出迎蓮弟亦攜子來

別室款之羅連生來

廿一日晴權姪告去劉南生來又一陳生來謝未見與與循摸牌移內齋

喚匠築碓屋

廿二日陰晴摸牌竟日張四先生來蓮弟繼子又來致陳郎書並詞本

廿三日晴乙酉驚蟄何鏡海孫專足來復片告以世情與循小疾牌局早

散盛傭來致端書王狀

廿四日晴放風鳶送與循見沈山人食餅左幹青來未見宗兄岫生來蓮

弟去移木器用數人舁之其不諳世情如此夕與左宗岫泛談

廿五日晴左生欲干楚寶與一片令得進身岫生去未告辭風日頗佳櫻

桃野棠始花偶出行春至王鳳喈家日炙似夏因令從雲峯還以爲必

有客來乃無足音唯真女迎船已到其姪孫女在船相待令迎入漣

廿六日晴輔庭來言祠事留鮎心去滋言昨夜小霰家人無知者周生獨



證之蓋春煖致災雹後復暖則不可解看逸周書鈔本婁生光曜自縣  
昇來惡其無因干謁辭未見搢子代遞詩本詩不減劉詩人乃令明日  
來見甫發一標幾失一士宜周公之吐哺也

廿七日晴晨起盥於客廳召見婁生慰以入秦飯後去真船到告去遣船  
送下縣自往對山送之並作酪發包子辦路菜曹生夜來僮嫗辭不納  
聞其徒步更遣招之入宿客房

廿八日陰晨出陪客出門看柳條一夜綠矣春風迅速可喜曹生云昨暗  
行跌折二齒子粹徒也看二張學科精神周洽疑有藍本聞歐孫新屋  
又當出賣丁孫專人來干李文石云先自來未見問之乃誤以雪師爲  
我專人又往始得知之荒乎其唐茫乎其昧其果臣精明之報乎戴明  
來言省城近事

廿九日晦節大風不甚寒報丁孫書與循專信來亦復一書張四先生來

診復女許以起牀卽爲謀館夜令兩女讀本草校牌

二月壬辰朔大風復裘趙年孫又來劉晚學亦跪求說官事俱不可理令庶長諭之

二日雪風愈寒築匠停工史傭昨夜還云真船已發盤費未領交銀錢百六十枚

三日寒有雪而風息分花換泥春蘭抽箭王僕不知進退偶諭房嫗遽發潑不認君無戲言余之過矣但戲不言乃可養威

四日晴陰仍寒王勝養子婦來訴官事蓋五相公所使也拒不與見六房中唯二房墮家聲今已絕矣劉少青自桂陽來云將考優又應明德之聘留住樓房運木船到

五日陰晴遣工下縣運屋材並送劉行忘未開瑣自起關門少青考優喻生考雜職廖生考保送均先後奔赴周生亦上省午去頃之復與廖倬



夫同來廖云奔馳苦矣又不識道得遇周如空谷足音也留宿一房談  
船山事云搜集隨筆名曰王志以擬鄭志也

六日陰遣船送廖生亦忙終朝未朝食而去又去二力但有坐食者矣午  
聞足音蹙然呵問之云自侯塘來子賡兒也與房嫗爲兩世故人亦爲  
惘然

七日戊戌社日蔡孫去微雨湛童報馬太耶來以爲馬泰出看乃馬先生  
特來拜年頃之劉壻亦來云自倭還度歲復往倭學鐵路也夜與摸牌  
八日陰雨劉壻去留馬待客未幾陳郎完夫來云未定入都但料理弟官  
費耳似仍有教員之意正欲留之乃不再問送王志及仲景序文

九日陰晴庚子春分正佳景物晨起家人猶眠唯陳僕已候門云昇夫未  
至又還少寐太晏乃起招陳馬入室談陳去乃鈔張文入嚴集嚴大搜  
古文而遺此篇可怪也仲景建安初守長沙幾十年皆劉表時必表所

置守也韓玄蓋在其後張津在其先且疑是津族人與華佗同時馬生亦去張四先生又來周教員送春飽早飯去張借鞋去午後稍閒夕聞叩門聲喧船還客來蔣樹勳送鹽云已晚飯小坐卽還寢

十日陰雨朝食後遣舁送蔣看校王志亦成一種文字校詩四卷遣史傭送廖書

十一日陰雨程孫自衡來考優云可望得留居一日夜大雷雨

十二日雨陰丁孫女爲花朝遍繫紅彩枝頭云以爲慶程孫朝食後去夜有月影校詩四卷

十三日陰莪女生日爲設湯餅午後始飯外報兩婦來省覲云是三四及至乃長四耳蓋來看妹史傭還得蓀咳書

十四日陰校詩箋二卷傳箋多誤字阮校勘未爲善本今但可意改亦不足記矣午看女婦摸牌小睡夜復一局二更散聞雨

十五日陰雨與書秦臬使看女婦摸牌看才女詩得孫姪壻書告保送并  
求寫字

十六日陰雨晨寫字張四哥來診病周生還議往衡

十七日雨昨忘豫飭廚中未辦素食今補忌日雖無禮猶勝不補者思愆

竟日

十八日陰晴校詩一卷看牌放鵝復程孫書言不可關節改周生詩

十九日晴家僮鳥嘯猶眠自起喚之校詩經畢喻生來廖使送鴨蓀咳書

云溫泉坤亦有一種今致八頭並草菰火骹寶老耶又來喻生夜宿逆

旅復蓀咳書

廿日大晴早起召見廖使寶官告去七都董地師攜子來博涉古今云特

來見子則蠢然但知喫飯耳亦令庶長陪之夕去看何貞翁雜文感昔

知賞亦始知此公有學識不易及也夜月

廿一日朝輝夕陰竟日無客夜雨看何文一過作糲無水芑復女病起始能出房

廿二日晨雨未歇朽人來方朝食令知賓陪之辦飯云已食矣風寒淒淒相對無言看黃選試賦看似鱗麗豪無氣韻墨卷體也華一來張四先生來診脈

廿三日陰張華入談並華二子名佑來見年十六尙樸穩朝食後並去陳星生自味子塘來云考優便道足跛甚前此似未跛也家作牢丸贈以三枚督工掃除前房以待佳客

廿四日乙卯清明晴清明當作菁萌草初生萌也洪秀全本作菁是也今日族食以煙客多未往叫化子乘舁往會焉俄頃還云族人打架譚兒來告以雨珊中風不必往見乃云已九見矣懿婦晨去長婦午後乃去廿五日晴夕雨譚不能去廖蓀咳又來倉卒主人殊不能辦方僮始還房

嫗暴疾正紛紜間李長生又來未遑出接知賓早去矣聽其與譚子周旋蓀咳便宿余牀余移橫室夜談至子

廿六日晨雨未歇朝食後霽出見李姪還其祖冊未午譚李並去與蓀咳周歷三齋方出便旋見三人步來則謝陸喻三生陸幾忘其姓矣頃之戴表姪復來賓客頓有十六人應接不暇乃用平等法堯峻對坐管華共席夕飲樓上者七人飯客舍者十餘人

廿七日未明聞開門蓀咳已明鏡坐待余亦著衣起出送登舁辨色矣大霧往石井鋪看三生亦已先去還朝食王鳳喈來請禁公幸

廿八日晴程九長專足來云廖胖造假信干學司得保送已不敢僞欲得真書批答云亦照樣作假信可也我則不可張四哥來言官事全輸余言幸中方令僕從往衡作轎門簾房嫗屢說不明責之乃涕泣哀痛賴我母女成之王升又延不靳余坐轎中督工而遇張四幾同阮孚蠟屐

矣夜散遣傭工沈山人亦來辭工

廿九日晴牡丹始開一花過午遂全發十二花廖春漁自鄂來問假信事云周梅生送去責數之乃甚慙怖不知世事而自謂巧便可哀也已史傭還得俞樾辭行片臨終詩撰述五百卷值一死也方王湛先發至衡

四余定陸行大風恐有甚雨且停一日督工作花棚

晦日晴熱可不衣晨剪一花與復女夕滋女復剪二花供母流連賞翫竟

日廖生午去岫孫又來薄暮雷電而未解熱燭下爲王鳳啣寫對子輿

三兒攜子來云遇大雨

三月壬戌朔晴晨起待發轎夫不來已初乃得行張岫輿宜俱步送上轎

令暫居鄉息靜周生從往衡夫力千八百不合例余亦爲所牽率共發

四名並兩轎夫八人上道小榻石潭改裝過岳坤問易家壠周鳳池家

看花鳳啣親家也牡丹將百本無高二尺者紫花正開餘花皆未整理



留飯設酒殷勤甚至日斜而別急行欲宿花石至回龍橋已昏暮遂宿  
二日晴稍涼晨行五里從延化寺渡涓寺爲先賢裔孫所奪云載縣志忘  
其顛末宋儒害人兩朝重道之弊也飯花石午飯福田鋪夕宿嶽市小  
三雨掘筍茅棚攜來五十里矣作俞蔭甫挽聯  
三日晴涼晨飯曠壠石門未至九觀橋天陰微雨已而浙瀝冒雨行至九  
渡鋪雨益霑濡到樟寺則澍雨如注爲三日佳節所罕聞遣庶長覓船  
散放轎夫待至初更乃發兀兀竟夜

四日陰雨止篙行自來鴈塔邊到北門幾一時許乃達至旣樵家主人方  
起頃之霖生來飯罷同至真家呼門出見云三姐亦痛甚如張雨珊兄  
弟同戚也小坐雨行舁至安記庶長來云先稟道臺去久之天沈沈欲  
廿大雨到道臺處小坐而還話不投機情則甚摯令庶長辨坐墊未得道  
臺已來矣將夕去霖生旣樵夜來二更散

五日陰雨霖生飯後來庶長兒來久坐看報紙九十張賀伯笏來成就向  
樊夏揚張鳳蓋馮燦五教員好心超海胡玉山朱捷臣馬太耶卜三毛  
沈阿鴻彭給事程季砍陶湘翰黃蟬秋譚仲明接連來霖生岢樵後至  
同往道署夜飲看牡丹睢州湯通判弟同席二更散

六日陰雨答訪霖生廖淦富來見云剛武弟也告以算學教習未能定且

須暫還朝食後昇至程家接對子至陳家寫俞聯文苑齋齊名愧我  
堪仙籍注薦章同

報罷輪君自  
有祖燈傳發樊信仍昇還從岢樵借棺材附船送鄉價卅元想係半

八買半送李如松來拜訴冤擬藥方胡子陽送廣西土產旋來久談張衡  
陽亦來相訪張奎生王之楨程郎霖生俱在內久候遣田二解棺先發  
余將還山一行岢樵必留一飯寄三九女二十元薦王湛俱不肯去

七日陰雨待飯未來且詣陳家遇霖生同過程家小坐周生父子來向鄒  
謝來久談王達魯保出考優亦奇聞也真女家管莊人興訟嚴斥之請

常程查辦劉袞來見未遑坐談步至岢樵家會飲彭給事馬明府李崇  
士明先到霖生子陽繼至章師後來多談南洲水地及衡陽倉穀席散甚  
早昇夫未至客俱待送我乃與霖生步至陳家九郎村儒俱未去昇登  
煤船初月微明已而細雨宿石鼓山下

八日上巳北風細雨崖樹綠嫩湘岸清濛學舍作洋裝亦有可觀待榜人  
不至舟客雜坐殆無臥處遺廖傭送長物還城換王僕來已而四傭俱  
集催船卽發時正午矣小睡夢到家復已斂矣痛哭而醒六十後不能  
哭夢中猶能哭哀樂未全忘也因爲輟食竟日惘惘雨亦不止重三上  
已連朝

雨悄悄輕寒拂拂風漲水黃添新綠暈廢花紅映遠青濛春帆夜  
度寒林站嶽市煙籠紫盞宮老去不須修禊事近來鶻詠有誰同  
寒林站  
夜泊

九日雨逆風吹浪行廿里櫂老牛倉詔訪核疑出五臣尙書文望冠羣倫  
結繩解辨摩厓字束帶爭迎上國寶

正嗟予久勝冷風御不逐飄車碾海塵端午橋索詩一首必嫌少再添一